

SLUŽBENI GLASNIK OPĆINE BREZA

Godina VII Broj: 2.

Breza, 07.03.2005.godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-332/05
Breza, 28.02.2005. godine

Na osnovu člana 48. Statuta Općine Breza ("Službeni glasnik Općine Breza", broj 1/99, 4/99, 7/99) i člana 42. Poslovnika o radu Općinskog vijeća Općine Breza ("Sl.glasnik Općine Breza", broj 9/99), Općinsko vijeće Breza, na sjednici održanoj dana 28.02.2005. godine, d o n o s i

P R O G R A M R A D A **Općinskog vijeća Općine Breza za 2005. godinu**

A) OPĆE ODREDBE

Nadležnost, djelokrug rada, prava i obaveze Općinskog vijeća utvrđeni su Ustavom Federacije Bosne i Hercegovine, Ustavom ZE-DO kantona, Zakonom o lokalnoj samoupravi, Statutom Općine Breza i Poslovníkom o radu Općinskog vijeća Općine Breza.

Programom rada Općinskog vijeća utvrđuju se poslovi i zadaci Vijeća, njihov osnovni sadržaj i način izvršavanja. Osnov za izradu Programa rada Općinskog vijeća je Program rada Općinskog načelnika.

Općinsko vijeće će poštujući proceduru propisanu u Poslovníku o radu Općinskog vijeća razmatrati nacрте i prijedloge akata ovlaštenih predlagača. Osim toga, Vijeće će zavisno od aktuelnih pitanja od pojedinih organa zahtijevati iniciranje i rješavanje istih donošenjem odgovarajućih akata.

B) TEMATSKI DIO

I - STUDIJSKO ANALITIČKI POSLOVI:

1. Informacija o daljem upravljanju objektima i lokalitetom
Izbjegličko-prihvatnog centra Smrekovica.
NOSILAC ZADATKA: Općinski načelnik u saradnji sa Ministarstvom za
ljudska prava i izbjeglice.
R O K: februar 2005. godine.
2. Program rada Općinskog vijeća Općine Breza za 2005. godinu.
NOSILAC ZADATKA: Predsjedavajući Općinskog vijeća,
Sekretar Općinskog vijeća i predsjednici klubova,
vijećnika i predsjednici radnih tijela Općin.vijeća (komisije).
R O K: mart 2005.godine.
3. Program rješavanja uzurpacija i zaštita državnog zemljišta od
novog bespravnog zauzimanja.
NOSILAC AKTIVNOSTI: Služba za prostorno uređenje, zaštitu okolice,
geodetske i imovinsko-pravne poslove.
R O K: mart 2005. godine.
4. Program obavljanja komunalnih usluga zajedničke komunalne potrošnje.
NOSILAC ZADATKA: Služba za prostorno uređenje, zaštitu okolice,
geodetske i imovinsko-pravne poslove,
R O K: mart 2005. godine.
5. Program uređenja građevinskog zemljišta
NOSIOCI ZADATKA: Služba za prostorno uređenje, zaštitu
okolice, geodetske i imovinsko-pravne poslove,
ROK: april 2005. godine.
6. Izvještaj o izvršenju Budžeta Općine Breza za 2004. godinu.
NOSILAC ZADATKA: Općinski načelnik i Služba za opću upravu i finansije.
R O K: april 2005. godine.
7. Program pripreme i održavanja kulturnih, zabavnih i sportskih
manifestacija, koje se planiraju organizirati u 2005.godini od strane
Općine Breza.
NOSILAC ZADATKA: Općinski načelnik.
R O K: maj 2005. godine.
8. Informacija o stanju u oblasti kulture i sporta na području Općine Breza.
NOSIOCI ZADATKA: Služba za opću upravu i finansije u saradnji sa
Sportskim savezom Općine, udruženja i klubovi u
oblasti kulture i sporta.
R O K: maj 2005. godine.
9. Program zaštite čovjekove okoline Općine Breza
NOSILAC ZADATKA: Služba za privredu, obnovu i razvoj i Služba za prostorno
uređenje, zaštitu okolice, geodetske i imovinsko-pravne
poslove
ROK: juli 2005. godine.

10. Program zaštite od požara.
NOSILAC ZADATKA: Općinski načelnik i Služba civilne zaštite.
R O K: juli 2005. godine.
11. Šestomjesečni izvještaj Općinskog načelnika o provođenju općinske politike, izvršavanju općinskih propisa i drugih poslova iz svoje nadležnosti.
NOSILAC ZADATKA: Općinski načelnik
R O K: juli 2005.godine.
12. Program sanacije klizišta na lokalnom putu Breza-M.Rijeka (lokalitet Opreč).
NOSILAC ZADATKA: Služba za prostorno uređenje, zaštitu okoline, geodetske i imovinsko-pravne poslove, Služba mjesnih zajednica.
R O K: septembar 2005. godine.
13. Informacija o upisu učenika u prve razrede osnovnih i srednjih škola na području Općine Breza.
NOSIOCI ZADATKA: Služba za opću upravu i finansije
R O K: oktobar 2005. godine.
14. Izvještaj o održanim kulturno-zabavnim i sportskim manifestacijama.
NOSILAC ZADATKA: Općinski načelnik.
ROK: oktobar 2005. godine.
15. Informacija o postignutom uspjehu u učenju i vladanju učenika osnovnih i srednjih škola na području Općine Breza.
NOSIOCI ZADATKA: Služba za opću upravu i finansije
R O K: oktobar-novembar 2005. godine
16. Program rada Općinskog načelnika za 2006. godinu.
NOSILAC ZADATKA: Općinski načelnik i službe za upravu.
R O K: decembar 2005. godine.
17. Program rada Općinske izborne komisije za 2006. godinu (Izborna godina).
NOSILAC ZADATKA: Općinska izborna komisija.
R O K: decembar 2005. godine.
18. Program zaštite i spašavanja od prirodnih i drugih nesreća općine (za petogodišnji period).
NOSILAC ZADATKA: Općinski načelnik i Služba civilne zaštite.
R O K: decembar 2005. godine.
19. Informacija o stanju privrede i provedene privatizacije na području Općine Breza.
Održavati sastanke privrednika Općine Breza sa načelnikom Općine i upoznavanje Općinskog vijeća o stanju privrede na području Općine Breza.
NOSILAC ZADATKA: Općinski načelnik i Služba za privredu, obnovu i razvoj.
R O K: Stalan zadatak.
20. Informacija o rješavanju pitanja vodosnabdijevanja na području Općine Breza, te zauzimanje stavova, smjernica i po potrebi donošenje konkretnih akata u vezi realizacije projekta vodosnabdijevanja.

NOSILAC ZADATKA: Općinski načelnik i Služba za privredu, obnovu i razvoj.
R O K: Stalan zadatak (do okončanja projekta).

21. Informacija o realizaciji zaključaka Općinskog vijeća Breza.

NOSILAC ZADATKA: Stručna služba Općinskog vijeća.
ROK: šestomjesečni izvještaj.

II - NORMATIVNO-PRAVNI POSLOVI

1. Odluka o osnivanju općinskih službi za upravu.

NOSILAC ZADATKA: Općinski načelnik i Agencija za državnu službu FBiH.
R O K: februar 2005. godine.

2. Zaključak o vrijednosti boda za utvrđivanje komunalne naknade za 2005. godinu.

NOSILAC ZADATKA: Služba za prostorno uređenje, zaštitu okolice, geodetske i imovinsko-pravne poslove.

R O K: mart 2005. godine.

3. Odluka o izvršenju Budžeta Općine Breza za 2004. godinu.

NOSILAC ZADATKA: Općinski načelnik i Služba za opću upravu i finansije.
R O K: april 2005. godine.

4. Odluka o određivanju procenta za utvrđivanje naknade za 1 m² građevinskog zemljišta u državnoj svojini koje se preuzima od ranijeg vlasnika.

NOSILAC ZADATKA: Služba za prostorno uređenje, zaštitu okolice, geodetske i imovinsko-pravne poslove,

R O K: april 2005. godine.

5. Odluka o vrijednosti 1 m² stambenog prostora na općini Breza.

NOSILAC ZADATKA: Služba za prostorno uređenje, zaštitu okolice, geodetske i imovinsko-pravne poslove.

R O K: april 2005. godine.

6. Odluka o određivanju područja i uslova pod kojim se vrši umanjeње tržišne cijene eksproprisanog poljoprivrednog zemljišta za 2005. godinu

NOSILAC ZADATKA: Služba za prostorno uređenje, zaštitu okolice, geodetske i imovinsko-pravne poslove.

R O K: maj 2005. godine.

7. Odluka o visini naknade za nepriznata uzurpirana zemljišta.

NOSILAC ZADATKA: Služba za prostorno uređenje, zaštitu okolice, geodetske i imovinsko-pravne poslove.

R O K: maj 2005. godine.

8. Odluka o zauzimanju javnih površina na području Općine Breza.

NOSILAC ZADATKA: Općinski načelnik i Služba za prostorno uređenje, zaštitu okolice, geodetske i imovinsko-pravne poslove.

R O K: maj 2005. godine.

9. Odluka o organiziranju i funkcioniranju zaštite i spašavanja ljudi i materijalnih dobara od prirodnih i drugih nesreća na području Općine Breza.
NOSILAC ZADATKA: Služba civilne zaštite.
R O K: maj 2005. godine.
10. Usklađivanje Statuta Općine Breza sa ustavnim amandmanima.
NOSILAC ZADATKA: Stručna služba Općinskog vijeća, Komisija za statutarna pitanja i predsjedavajući Općinskog vijeća.
R O K: august 2005. godine.
11. Odluka o pristupanju izradi izmjena i dopuna Regulacionog plana "Kolonije". (Izrada prednacrti i nacrti, provođenje javnih konsultacija i donošenje Odluke o usvajanju i provođenju).
NOSILAC ZADATKA: Općinski načelnik i Služba za prostorno uređenje, zaštitu okolice, geodetske i imovinsko-pravne poslove.
R O K: august 2005. godine.
12. Odluka o izmjenama i dopunama Regulacionog plana "Centar".
NOSILAC ZADATKA: Općinski načelnik i Služba za prostorno uređenje, zaštitu okolice, geodetske i imovinsko-pravne poslove.
R O K: august 2005. godine.
13. Odluka o načinu održavanja zajedničkih dijelova stambenih zgrada.
NOSILAC ZADATKA: Služba za prostorno uređenje, zaštitu okolice, geodetske i imovinsko-pravne poslove
R O K: septembar 2005. godine.
14. Odluka o načinu upravljanja i korištenja stanovima izgrađenih iz sredstava berlinskog Senata i Ministarstva vanjskih poslova (DEZA) Švajcarska.
NOSILAC ZADATKA: Služba za privredu, obnovu i razvoj i Služba za prostorno uređenje, zaštitu okolice, geodetske i imovinsko-pravne poslove.
R O K: po usvajanju Zakona o nadziđivanju zgrada koji je neophodno donijeti od strane Skupštine ZE-DO kantona.
15. Odluka o izradi Regulacionog plana "Potkraj" - Industrijska zona Potkraj (izrada prednacrti i nacrti, provođenje javnih konsultacija i donošenje Odluke o usvajanju i provođenju).
NOSILAC ZADATKA: Općinski načelnik i Služba za prostorno uređenje, zaštitu okolice, geodetske i imovinsko-pravne poslove.
R O K: septembar 2005. godine.
16. Budžet Općine Breza za 2006. godinu.
NOSILAC ZADATKA: Općinski načelnik i Služba za opću upravu i finansije.
R O K: decembar 2005. godine.

III - UPRAVNO-NADZORNI POSLOVI

1. Plan rada javnih preduzeća i javnih ustanova na području Općine Breza za 2005. godinu koja su osnovana odlukama Općinskog vijeća.
NOSILAC ZADATKA: predsjednici upravnih odbora javnih preduzeća i ustanova i direktori javnih preduzeća i ustanova.
R O K: april-maj 2005. godine.

2. Izvještaj o radu javnih preduzeća i javnih ustanova osnovanih odlukama Općinskog vijeća Breza.
NOSILAC ZADATKA: predsjednici Upravnih odbora javnih preduzeća i ustanova.
R O K: april-maj 2005. godine.

IV - STRUČNO-OPERATIVNI POSLOVI

1. Preporuka o saradnji Općine Breza sa drugim susjednim općinama, u cilju rješavanja zajedničkih problema.
2. Preporuka vezana za realizaciju ustavne mogućnosti prijenosa kantonalnih ovlaštenja na općine.
3. Preporuka kojom se ukazuje na značaj obrazovanja kao bitnog faktora za razvoj Općine.
4. Preporuka vezana za unapređenje razvoja poljoprivrede na području Općine Breza.
5. Preporuka kojom se ukazuje na potrebu oživljavanja rada kulturno-umjetničkih i sportskih društava na području Općine Breza.
6. Preporuka o saradnji sa udruženjima građana, u cilju poboljšanja rada istih.
7. Pokretanje i razmatranje inicijativa od strane nadležnih općinskih službi, udruženja građana, mjesnih zajednica koje se odnose na poboljšanje uslova života na području Općine Breza (infrastruktura, školstvo, zdravstvo, komunalije i dr.).

V - OSTALI POSLOVI

1. Izdavanje potrebnih saglasnosti na akte predviđene zakonom i drugim propisima.
NOSILAC ZADATKA: Općinsko vijeće.
R O K: po potrebi.

NAPOMENA: Ovaj Program je sačinjen detaljno sagledavajući sve predviđene aktivnosti Općinskog načelnika i Službi za upravu i djelokruga rada Općinskog vijeća Breza.

Ukoliko se ukaže potreba za donošenjem novih odluka, kao rezultatom potrebnih usklađivanja sa donošenjem novih zakona ili izmjena postojećih, izvršiće se neophodne dopune ovog Programa.

Općinsko vijeće će pored ovih redovnih poslova, utvrđenih Statutom i Poslovníkom o radu Općinskog vijeća Breza, donositi odluke, rješenja, zaključke, naredbe, uputstva i preporuke, na prijedlog ovlaštenih predlagača, ukoliko se budu ukazivale takve situacije, te zauzimati stavove povodom rješavanja određene problematike iz djelokruga svoga rada.

PREDSJEDAVAJUĆI
Općinskog vijeća
Vinko Pandža.s.r.



BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinski načelnik -

Broj: 01/2-49-15/05
Breza, 18.01.2005. godine

Na osnovu 35. Statuta Općine Breza ("Službeni glasnik Općine Breza", broj 1/99, 4/99 i 7/99), a u skladu sa Memorandumom o razumijevanju broj: 01/2-49-418/04 zaključenim dana 17.01.2005. godine između Općine Breza i Projekta Upravne Odgovornosti u BiH, načelnik Općine Breza dana 18.01.2005. godine, donosi:

O D L U K U

O USPOSTAVLJANJU CENTRA ZA USLUGE GRAĐANIMA U OPĆINI BREZA

Član 1.

U Općini Breza uspostavlja se Centar za usluge građanima.
Centar za usluge građanima bit će lociran u zgradi Općine u ulici Bogumilska broj 1.

Član 2.

Uspostavljanje Centra bit će rezultat zajedničkog angažovanja Općine Breza i GAP projekta, u okviru realizacije odgovarajuće projektne komponente.

Član 3.

Najkasnije u roku od 2 (dva) mjeseca od dana donošenja ove Odluke, između Općine Breza i GAP-a biće potpisan Sporazum o aktivnostima na uspostavljanju Centra za usluge građanima, koji će, između ostalog, regulisati slijedeće:

- ❖ vrste i sadržaj aktivnosti koje je neophodno poduzeti,
- ❖ nosioce pojedinačnih aktivnosti i podjelu u realizaciji aktivnosti između Općine i GAP-a,
- ❖ troškove pojedinih aktivnosti i ukupne troškove/budžet za uspostavljanje Centra,
- ❖ podjelu finansiranja od strane Općine i GAP-a,
- ❖ rokove za realizaciju pojedinačnih aktivnosti i rok za uspostavljanje Centra, u skladu sa dinamikom realizacije GAP Projekta,
- ❖ druga pitanja od značaja za uspostavljanje Centra.

Član 4.

Za koordinaciju svih aktivnosti u Projektu i kontakte sa GAP-om, a prvenstveno aktivnosti na uspostavljanju Centra, u ime Općine, određuje se:

Šef Službe za opću upravu i finansije

Član 5.

U cilju davanja stručnih i savjetodavnih mišljenja i obavljanja svih pripremnih, te aktivnosti definisanih Sporazumom, formira se Radna grupa u sastavu:

1. Šeherzada Nefić,
2. Tarik Smailbegović,
3. Faketa Hadžić.

Član 6.

Ova Odluka stupa na snagu danom donošenja, a o njenom provođenju starat će se Općinski načelnik.

Član 7.

Sa ovom Odlukom načelnik Općine upoznat će vijećnike na sjednici Općinskog vijeća.

DOSTAVLJENO:

1. Koordinator,
2. Članovima Radne grupe,
3. GAP-u,
4. Općinskom vijeću,
5. Arhiva.

NAČELNIK OPĆINE BREZA
Seid Smailbegović,s.r.

.....

Na osnovu člana 4. i 54. Zakona o upravi u Federaciji Bosne i Hercegovine ("Službene novine FBiH", broj 28/97 i 26/02), člana 24. Zakona o lokalnoj samoupravi ("Službene novine Zeničko-dobojskog kantona", broj 13/98 i 8/00) i člana 38. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 28.02.2005. godine, d o n o s i

O D L U K U

o osnivanju općinskih službi za upravu

I - OSNOVNE ODREDBE

Član 1.

Općinsko vijeće Breza osniva općinske službe za upravu za obavljanje upravnih i drugih stručnih poslova iz samoupravnog djelokruga općine, kao i upravnih i stručnih poslova koji se federalnim i kantonalnim zakonima prenesu na općinu.

Član 2.

Ovom Odlukom utvrđuju se osnovi unutrašnje organizacije, nazivi, nadležnosti, rukovođenje, odgovornost rada i druga pitanja od značaja za rad općinskih službi za upravu.

II - ORGANIZACIJA OPĆINSKIH SLUŽBI**Član 3.**

Za obavljanje upravnih i drugih stručnih poslova iz samoupravnog djelokruga općine, kao i upravnih i stručnih poslova koji su federalnim i kantonalnim zakonima preneseni na općinu, osnivaju se:

1. Služba za privredu, finansije i opću upravu,
2. Služba za prostorno uređenje, zaštitu okoline, geodetske, imovinsko-pravne i poslove civilne zaštite,

Član 4.

Općinski načelnik sa općinskim službama za upravu čini jedinstven organ uprave za općinu.

Član 5.

Za obavljanje određenih stručnih i drugih poslova za potrebe Općinskog vijeća, Općinskog načelnika i općinskih službi za upravu mogu se osnovati tehničke, stručne i druge službe, kao zajedničke ili samostalne, o čemu odlučuje Općinski načelnik.

Član 6.

Unutrašnja organizacija općinskih službi utvrđuje se tako da se osigura naročito:

1. efikasno obavljanje poslova, racionalna organizacija rada i uspješno rukovođenje službama,
2. ostvarivanje pune saradnje općinskih službi za upravu sa drugim službama, organima i organizacijama,
3. grupisanje poslova u skladu sa njihovom prirodom i načinom njihovog obavljanja,
4. potpunije objedinjavanje zajedničkih i općih poslova radi njihovog racionalnog obavljanja i korištenja usluga zajedničkih ili samostalnih stručnih službi osnovanih za potrebe Općinskog vijeća, Općinskog načelnika ili pojedinih općinskih službi za upravu.

Član 7.

Unutrašnja organizacija općinskih službi za upravu uređuje se Pravilnikom.

Pravilnik o unutrašnjoj organizaciji donosi Općinski načelnik, uz saglasnost Općinskog vijeća.

**III - NADLEŽNOSTI OPĆINSKIH
SLUŽBI ZA UPRAVU****Član 8.**

Općinske službe za upravu u okviru prava i dužnosti iz samoupravnog djelokruga Općine utvrđenog Ustavom, zakonima, Statutom Općine Breza i ovom Odlukom, kao i upravnim i stručnim poslovima koji su federalnim i kantonalnim zakonima preneseni na općinu, dužne su da svojim radom obezbjeđuju efikasno ostvarivanje prava i izvršavanje obaveza građana, preduzeća (privredna društva), ustanova i drugih pravnih lica.

Član 9.

Općinske službe za upravu, u skladu sa Ustavom, zakonima i Statutom Općine Breza neposredno obavljaju slijedeće upravne i druge stručne poslove:

1. provode utvrđenu politiku i izvršavaju zakone, propise i druge opće akte,
2. rješavaju u upravnom postupku o pravima, obavezama i pravnim interesima građana i pravnih lica,
3. obavljaju nadzor nad djelatnošću javnih preduzeća i ustanova koje obavljaju poslove na osnovu javnih ovlaštenja utvrđenih propisima općine,
4. daju inicijative za rješavanje određenih pitanja iz samoupravnog djelokruga općine,
5. pripremaju nacрте općinskih propisa i drugih općih akata iz svoje nadležnosti,
6. odgovaraju na pitanja organa zakonodavne vlasti,
7. omogućuju građanima pristup informacijama kojima raspolažu,
8. te obavljaju i druge poslove određene zakonom, Statutom i drugim općinskim propisima.

1. Služba za privredu, finansije i opću upravu

Član 10.

Služba za privredu, finansije i opću upravu vrši upravne i stručne poslove iz oblasti privrede, finansija i opće uprave.

Nadležnosti Službe za privredu, finansije i opću upravu su slijedeći upravni i stručni poslovi:

- ❖ provodi utvrđenu politiku, odluke i druge akte Općinskog vijeća i Općinskog načelnika,
- ❖ izvršava i obezbjeđuje izvršavanje zakona, drugih propisa i općih akata iz oblasti privrede, šumarstva, vodoprivrede, poljoprivrede, turizma, finansija, društvenih djelatnosti i zdravstva,
- ❖ rješava u upravnim stvarima u prvostepenom postupku u oblasti opće uprave, samostalnog privređivanja, boračko-invalidske zaštite, vodoprivrede, šumarstva, obrazovanja, zdravstva i socijalne i dječije zaštite za poslove koji nisu u nadležnosti Javne ustanove Centar za socijalni rad Breza,
- ❖ daje inicijativu za rješavanje određenih pitanja i problema iz domena poslovanja privrednih subjekata od općinskog značaja,
- ❖ prati kretanje u privredi, a naročito sa stanovišta utvrđivanja uzroka koji utiču na razvoj i unapređenje i o tome informiše Općinsko vijeće sa prijedlozima mjera iz domena poslovanja privrednih subjekata od općinskog značaja,
- ❖ izrađuje studije, programe, analize i informacije iz oblasti privrednog razvoja općine,
- ❖ učestvuje u pripremi, izradi i stručnoj ocjeni programa kapitalnih ulaganja,
- ❖ upravlja i koordinira sredstvima za razvoj,
- ❖ vrši stručne poslove oko izrade nacрта Budžeta i prijedloga Budžeta, stara se o izvršavanju Budžeta i izradi Završnog računa,
- ❖ obavlja računovodstveno-knjigovodstvene poslove za sve općinske službe, za mjesne zajednice, kao i poslove statistike,

- ❖ vrši neposredan inspekcijski nadzor nad sprovođenjem zakona i drugih propisa iz oblasti turizma, ugostiteljstva, građenja i sanitarno-komunalnih poslova,
- ❖ priprema općinske propise i druge opće akte koje donosi Općinsko vijeće ili Općinski načelnik iz svoje nadležnosti,
- ❖ priprema prijedloge rješenja o pravima i obavezama službenika i namještenika iz radnog odnosa te vrši i personalne poslove za sve općinske službe za upravu,
- ❖ vrši poslove pružanja pravne pomoći građanima u ostvarivanju njihovih prava i izvršavanju obaveza u pravnim stvarima iz nadležnosti općinskih službi za upravu,
- ❖ prati stanje u oblasti društvenih djelatnosti, analizira uzroke stanja, uticaj propisa na stanje u određenoj oblasti i predlaže Općinskom vijeću i Općinskom načelniku mjere za rješavanje određenih pitanja,
- ❖ obavlja poslove prijemne kancelarije, ovjere potpisa, prepisa, rukopisa, vodi opći birački spisak, matične knjige i arhivu,
- ❖ koordinira radom mjesnih zajednica radi ostvarivanja zajedničkih interesa u oblasti uređivanja naselja, stanovanja, komunalnih djelatnosti, dječije i socijalne zaštite, obrazovanja i vaspitanja, kulture i fizičke kulture, zaštite potrošača, zaštite i unapređenja čovjekove okoline, kao i u svim drugim oblastima života i rada u cilju ostvarivanja kako interesa građana kao pojedinaca tako i šire,
- ❖ obavlja i sve druge upravne i stručne poslove koje joj se stave u nadležnost zakonom, odlukama i drugim aktima Općinskog vijeća i Općinskog načelnika.

Član 11.

Općinska služba za privredu, finansije i opću upravu svoje poslove i zadatke obavlja putem slijedećih odjeljenja:

1. Odjeljenje za privredu i finansije
2. Odjeljenje za inspekcijske poslove,
3. Odjeljenje za boračko-invalidsku zaštitu,
4. Odjeljenje za opću upravu i koordinaciju rada mjesnih zajednica.

2. Služba za prostorno uređenje, zaštitu okoline, geodetske, imovinsko-pravne i poslove civilne zaštite

Član 12.

Služba za prostorno uređenje, zaštitu okoline, geodetske, imovinsko-pravne i poslove civilne zaštite vrši upravne i druge poslove u oblasti urbanizma, građevinarstva, stambeno-komunalne, geodetske, imovinsko-pravne djelatnosti i poslove civilne zaštite i to:

- ❖ provodi utvrđenu politiku, odluke i druge akte Općinskog vijeća i Općinskog načelnika,
- ❖ izvršava i obezbjeđuje izvršavanje zakona i drugih propisa i općih akata u oblasti urbanizma, građevinarstva, prostornog uređenja, stambeno-komunalnih, geodetskih i imovinsko-pravnih poslova i zaštite čovjekove okoline,

- ❖ priprema dokumentacionu osnovu za izradu prostornog, urbanističkog i regulacionog plana i čuva planove, dokumentaciju i rezultate istraživanja iz ovih oblasti,
- ❖ vrši parcelaciju zemljišta,
- ❖ vodi poslove iz oblasti komunalne djelatnosti,
- ❖ vodi premjer i katastar zemljišta, prati, utvrđuje i snima nastale tehničke promjene na zemljištu, zgradama i drugim objektima koje su od uticaja na podatke premjera i katastra zemljišta, provodi utvrđene promjene na geodetskim planovima, kartama i elaboratima i katastarskom operatu,
- ❖ rješava u upravnim stvarima iz oblasti prostornog uređenja i urbanizma, građevinarstva, stambeno-komunalnih, geodetskih i imovinsko-pravnih poslova,
- ❖ priprema općinske propise i druge opće akte koje donosi Općinsko vijeće ili Općinski načelnik iz svoje nadležnosti,
- ❖ rješava u upravnim stvarima u upravnom postupku po zahtjevima vlasnika nekretnina koje su proglašene napuštenim, odnosno nosilaca stanarskih prava na stanovima koji su proglašeni napuštenim,
- ❖ priprema prijedloge rješenja čije je donošenje u nadležnosti Općinskog načelnika, odnosno Općinskog vijeća,
- ❖ organizira, priprema i provodi zaštitu i spašavanje na području općine;
- ❖ izrađuje procjenu ugroženosti za područje općine;
- ❖ priprema i predlaže program i plan zaštite i spašavanja od prirodnih i drugih nesreća u općini;
- ❖ prati stanje priprema za zaštitu i spašavanje i predlaže mjere za unapređenje organiziranja i osposobljavanja civilne zaštite;
- ❖ organizira, izvodi i prati realizaciju obuke građana na provođenju lične i uzajamne zaštite;
- ❖ vrši popunu ljudstvom štabova civilne zaštite, službi zaštite i spašavanja i jedinica civilne zaštite i određuje povjerenike civilne zaštite i osigurava njihovo opremanje materijalno tehničkim sredstvima, te organizira, izvodi i prati realizaciju njihove obuke;
- ❖ vodi propisane evidencije i vrši druge poslove zaštite i spašavanja u skladu sa zakonom i drugim propisima i općim aktima,
- ❖ priprema prijedlog plana zaštite od požara koji donosi Općinsko vijeće,
- ❖ priprema izvještaj o realizaciji plana zaštite od požara koje Općinsko vijeće razmatra najmanje jednom u toku godine,
- ❖ vrši i druge poslove koje joj se stave u nadležnost zakonima, odlukama i drugim aktima Općinskog vijeća i Općinskog načelnika.

Član 13.

Općinska služba za prostorno uređenje, zaštitu okolice, geodetske, imovinsko-pravne i poslove civilne zaštite, svoje poslove i zadatke obavlja putem sljedećih odjeljenja:

1. Odjeljenje za geodetske i imovinsko-pravne poslove,
2. Odjeljenje za prostorno uređenje i zaštitu okolice,
3. Samostalni izvršilac za poslove civilne zaštite.

IV - RUKOVOĐENJE OPĆINSKIM SLUŽBAMA ZA UPRAVU

Član 14.

Radom svih općinskih službi za upravu rukovodi Općinski načelnik, koordinira i usmjerava njihov rad u skladu sa Ustavom, Zakonom, odnosno Statutom i drugim općim aktima.

Radom pojedinih općinskih službi za upravu neposredno rukovode i upravljaju pomoćnici načelnika.

Pomoćnik načelnika odgovara za svoj rad i upravljanje Općinskom načelniku.

V - JAVNOST RADA

Član 15.

Rad općinskih službi za upravu je javan.

Javnost rada ostvaruje se putem izvještaja o radu koji se podnosi Općinskom vijeću kao i davanjem informacija i saopštenja putem sredstava javnog informisanja (televizija, radio, štampa i Web stranica Općine Breza).

**VI - POSEBNI OPĆINSKI
ORGANI I SLUŽBE**

Član 16.

1. Stručna služba Općinskog vijeća i Općinskog načelnika.

Stručna služba Općinskog vijeća i Općinskog načelnika vrši svoju funkciju u skladu sa zakonom, drugim propisima i općim aktima u cilju obezbjeđenja kontinuiranog i efikasnog rada Općinskog vijeća i Općinskog načelnika.

Stručna služba u okviru utvrđenih poslova i zadataka obavlja slijedeće:

- ❖ priprema nacрте i prijedloga programa i planova rada Općinskog vijeća i Općinskog načelnika, prati njihovo izvršavanje i priprema izvještaje o radu,
- ❖ sarađuje i pruža stručnu pomoć općinskim službama za upravu na pripremanju materijala iz njihovog djelokruga za Općinsko vijeće i Općinskog načelnika,
- ❖ pruža stručnu pomoć vijećnicima i klubovima vijećnika,
- ❖ kompletira materijale za sjednice, vodi zapisnike i obavlja sve druge stručne, organizacijske i tehničke poslove za održavanje sjednica Općinskog vijeća i sastanke Općinskog načelnika,
- ❖ vodi evidenciju i čuva originale općinskih propisa i drugih općih akata Općinskog vijeća i Općinskog načelnika,
- ❖ obavlja poslove u vezi sa objavljivanjem propisa i općih akata i drugih materijala u Službenom glasniku i na Web stranici Općine Breza,
- ❖ obavlja organizacijske i protokolarne poslove za Općinsko vijeće, Općinskog načelnika i radna tijela vijeća,
- ❖ organizuje i obavlja stručne poslove u pogledu saradnje Općinskog vijeća i Općinskog načelnika sa odgovarajućim organima i organizacijama u drugim općinama u zemlji i inostranstvu,
- ❖ vrši i druge stručne i tehničke poslove u skladu sa posebnim odlukama Vijeća, Poslovníkom o radu Općinskog vijeća, kao i poslove koje odredi Općinsko vijeće i Općinski načelnik.

Stručnom službom Općinskog vijeća i Općinskog načelnika rukovodi sekretar Općinskog vijeća u okviru zakonom utvrđenih ovlaštenja, odluka Općinskog vijeća i ovlaštenja dobivenih od Općinskog načelnika.

Član 17.

Stupanjem na snagu ove Odluke prestaje da važi Odluka o osnivanju općinskih službi za upravu ("Službeni glasnik Općine Breza", broj 3/99 i 8/03).

Član 18.

Općinski načelnik će donijeti Pravilnik o unutrašnjoj organizaciji općinskih službi za upravu najkasnije u roku od 90 dana od dana stupanja na snagu ove Odluke.

Član 19.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-333/05
Breza, 28.02.2005.

PREDSJEDAVAJUĆI
Općinskog vijeća
Vinko Pandža, s.r.

.....

Na osnovu člana 66. Zakona o građevinskom zemljištu ("Službene novine Federacije BiH", broj: 25/03) i člana 27. i 49. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće na sjednici održanoj dana 28.02.2005. godine, d o n o s i

O D L U K U

o utvrđivanju prosječne građevinske cijene 1 m² korisne stambene površine na području Općine Breza

Član 1.

Ovom Odlukom utvrđuje se prosječna konačna građevinska cijena m² korisne stambene površine na području Općine Breza u 2005. godini, u iznosu od 600,00 KM.

Član 2.

Prosječna konačna građevinska cijena iz prethodnog člana valorizovat će se u toku svaka tri mjeseca na osnovu indeksa rasta cijena građevinskih radova u visokogradnji i niskogradnji po sumarnoj metodologiji i podacima koje objavljuje Zavod za statistiku.

Član 3.

Danom stupanja na snagu ove Odluke prestaje da važi Odluka o utvrđivanju prosječne konačne građevinske cijene m² korisne stambene površine na području Općine Breza broj: 01/1-02-628/04 od 08.04.2004. godine ("Službeni glasnik Općine Breza", broj: 2/04).

Član 4.

Ova Odluka stupa na snagu osmog dana od dana objavljivanja u "Službenom glasniku Općine Breza"

Broj: 01/1-02-334/05
Breza, 28.02.2005. godine

PREDSJEDAVAJUĆI
Općinskog vijeća
Vinko Pandža.s.r.

.....

Na osnovu člana 56. stav 2. Zakona o eksproprijaciji i člana 3. stav 1. Zakona o izmjenama i dopunama Zakona o eksproprijaciji ("Službeni list SRBiH", broj 12/87, 38/89, ("Službeni list RBiH", broj 15/94) i člana 27. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 28.02.2005. godine, d o n o s i

ODLUKU

**o određivanju procenta za utvrđivanje naknade za 1 m²
građevinskog zemljišta u državnoj svojini koji se
preuzima od ranijeg vlasnika za 2005. godinu**

Član 1.

Ovom Odlukom određuje se procenat za utvrđivanje naknade za 1 m² građevinskog zemljišta u državnoj svojini koje se preuzima od ranijeg vlasnika.

Član 2.

Naknada za 1 m² građevinskog zemljišta u državnoj svojini koje se preuzima od ranijeg vlasnika, određuje se u procentu od 2% od prosječne cijene formirane u četvrtom tromjesečju prethodne godine za 1 m² stambenog prostora izgrađenog u tom mjestu, s tim što se prosječna ugovorena cijena stambenog prostora svaka tri mjeseca u toku godine valorizuje na osnovu indeksa rasta cijena građevinskih radova u visokogradnji i niskogradnji.

Član 3.

Danom stupanja na snagu ove Odluke prestaje da važi Odluka o određivanju procenta za utvrđivanje naknade za 1 m2 građevinskog zemljišta u državnoj svojini koja se preuzima od ranijeg vlasnika broj: 01/1-02-626/04 od 8. aprila 2004. godine ("Službeni glasnik Općine Breza", broj 2/04).

Član 4.

Ova Odluka stupa na snagu osmog dana od dana objavljivanja u Službenom glasniku Općine Breza.

Broj: 01/1-02-335/05
Breza, 28.02.2005. godine

PREDSJEDAVAJUĆI
Općinskog vijeća
Vinko Pandža, s.r.

.....

Na osnovu člana 11. stav 3. Zakona o uzurpacijama ("Službeni list SRBiH", broj 6/78) i ("Službeni list RBiH", broj 21/92, 13/94) i člana 27. i 49. Statuta Općine

Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj 28.02.2005. godine, d o n o s i

ODLUKU

o visini naknade za nepriznata uzurpirana zemljišta u 2005. godini

Član 1.

Za nepriznata uzurpirana zemljišta za koja će se uzurpantima zemljoradnicima određivati naknada u 2005. godini, je slijedeća:

a) ako se uzurpantu ne može dati naknada u drugom zemljištu odredit će mu se naknada u novcu za poljoprivredna zemljišta u iznosu od sedmostrukog jednogodišnjeg katastarskog prihoda sa uzurpiranog zemljišta.

b) za nepriznata zemljišta u iznosu od trostrukog prihoda uzetog za pašnjak najniže klase u istoj katastarskoj općini.

Član 2.

Danom stupanja na snagu ove Odluke prestaje da važi Odluka o visini naknade za nepriznata uzurpirana zemljišta u 2004. godini, broj: 01/1-02-627/04 od 8.aprila 2004. godine ("Službeni glasnik Općine Breza", broj 2/04).

Član 3.

Ova Odluka stupa na snagu osmog dana od dana objavljivanja u "Službenom glasniku Općine Breza.

Broj: 01/1-02-336/05
Breza, 28.02.2005. godine

PREDSJEDAVAJUĆI
Općinskog vijeća
Vinko Pandža, s.r.

Na osnovu člana 20. stav 1. Zakona o lokalnoj samoupravi ("Službene novine ZE-DO kantona", broj 13/98 i 8/00) i člana 26. i 49. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 28.02.2005. godine, d o n o s i

ODLUKU

o dopuni Odluke o utvrđivanju visine naknade vijećnicima Općinskog vijeća

Član 1.

U članu 1. Odluke o utvrđivanju naknade vijećnicima Općinskog vijeća ("Službeni glasnik Općine Breza", broj 2/02) iza stava 2. dodaje se novi stav koji glasi:

"Predsjednicima klubova parlamentarnih stranaka-partija pripada novčana naknada u iznosu od 20,00 KM mjesečno, na ime rada na pripremi sjednica Općinskog vijeća".

Član 2.

Novčani iznos iz člana 1. ove Odluke neće se isplaćivati onim predsjednicima klubova političkih stranaka-partija koji ne prisustvuju sastanku predsjednika klubova parlamentarnih stranaka-partija.

Član 3.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-337/05
Breza, 28.02.2005.godine

PREDSJEDAVAJUĆI
Općinskog vijeća
Vinko Pandža,s.r.

Na osnovu člana 13. Zakona o komunalnim djelatnostima ("Sl.list SRBiH", broj: 20/90) i člana 27. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 28.02.2005. godine, d o n o s i

P R O G R A M

**obavljanja komunalnih usluga zajedničke komunalne potrošnje
u vremenu od 15.03.2005. do 15.11.2005. godine**

Ovim Programom se utvrđuje obim i kvalitet održavanja i obavljanja komunalnih objekata i uređaja, te visina potrebnih sredstava za realizaciju Programa i to za sljedeće usluge:

1. Čišćenje i pranje javnih saobraćajnih površina u naseljima,
2. Održavanje i uređivanje javnih zelenih površina,
3. Čišćenje slivnika,
4. Održavanje obala, potoka i korita potoka,

OBIM USLUGA1. ČIŠĆENJE I PRANJE JAVNIH SAOBRAĆAJNIH POVRŠINA U NASELJU

a) Ručno metenje javnih površina, trgova, ulica, parkinga trotoara od 15.03.2005. do 15.11.2005.godine

NAZIV ULICE	POVRŠINA (m2)	VRIJEME ČIŠĆENJA	BROJ ČIŠĆENJA	CIJENA 1m2 (KM)	CIJENA 1 čiš.(KM)	UKUPNO godišnje (KM)
ul.ZAVNOBIH-a i dio ul. Bosanskih namjesnika	2.656,20	svaki dan	prvo 1 186	0,0186 0,0093	49,41 24,70	49,41 4.594,35
ul.Bogumilska i Šehidska (od vatrogasnog doma do 29-ke)	4.326,60	"	prvo 1 186	0,0186 0,0093	80,47 40,24	80,47 7.484,64
dio ulice Bosanskih namjesnika(od stanice do puta bolnice)	1.676,30	"	prvo 1 186	0,0186 0,0093	31,18 15,59	31,18 2.899,66
TRG RUDARA (betonske ploče)	900,00	"	prvo 1 186	0,0186 0,0093	16,74 8,37	16,74 1.556,82
Parking općine sa pril. i pješačkom stazom	681,54	svaki drugi dan	prvo 1 93	0,0186 0,0093	12,68 6,34	12,68 589,62

Parking zanatski centar Strojni-gl. ulice	616,80	"	prvo 1 93	0,0186 0,0093	11,47 5,74	11,47 533,82
Staze u parku kod zanatskog centra sa istresanjem korpa	766,05	svaki dan	prvo 1 186	0,0186 0,0093	14,25 7,12	14,25 1.324,32
Saobraćajnice u zanatskom centru 50% taksi stajalište	533,20	svaki drugi dan	prvo 1 93	0,0186 0,0093	9,92 4,96	9,92 461,16
Ulica Hasana Kafije do puta za PTT	290,00	"	prvo 1 93	0,0186 0,0093	5,39 2,70	5,39 251,10
ulica Salke Bešlagića	1.656,00	svakih sedam dana	prvo 1 27	0,0186 0,0093	30,80 15,40	30,80 415,80
ul. 6.april do mosta (kocke)	475,50	"	prvo 1 27	0,0186 0,0093	8,84 4,42	8,84 119,40
ul.Filipa Lastrića - do "Elektroterme" do parkinga	115,20	"	prvo 1 27	0,0186 0,0093	2,14 1,07	2,14 28,89
ul. Desitijatska	419,00	"	prvo 1 27	0,0186 0,0093	7,79 3,90	7,79 105,30
ulica Tičija do prodavnice	706,80	"	prvo 1 27	0,0186 0,0093	13,15 6,57	13,15 177,48
sa oba pristupa ul. Ismeta Šarića	834,80	"	prvo 1 27	0,0186 0,0093	15,53 7,76	15,53 209,62
ul.Džemala Bijedića (od glavne zelene zgr.)	89,90	svakih 10 dana	prvo 1 19	0,0186 0,0093	1,67 0,84	1,67 15,96
ul.prema kinu do objekta KUD-a	397,15	"	prvo 1 19	0,0186 0,0093	7,39 3,69	7,39 70,11
ulica Mustafe Keškića do kraka prema Lovcu	202,20	"	prvo 1 19	0,0186 0,0093	3,76 1,88	3,76 35,73
Ul.Bosanskih namjesnika od doma "Partizan" - dom Mahala	1.606,50	"	prvo 1 19	0,0186 0,0093	29,88 14,94	29,88 283,87
staze u parku ispod hotela	393,04	svaki dan	186	0,0186 0,0093	7,31 3,66	7,31 680,76
UKUPNO 22.198,18						

Prema ovom rasporedu radiće se mjesečni planovi u kojima će se precizno definisati koje ulice će se čistiti i broj tih čišćenja, ali obim tih mjesečnih planova ne smije biti manji od 80% radova predviđenih ovim Programom.

NAPOMENA: Čišćenje se izvodi svaki radni dan i prve subote osim nedjelje, a cijena prvog proljetnog čišćenja je skuplja za 50%. (vidi normativ)

b) Pranje javnih saobraćajnih i pjeških površina - trotoara (2x mjesečno)

1.b) Pregled površina i cijena pranja

NAZIV ULICE	cijena jednog pranja	Broj pranja 2x mjesečno /5x2=10 pranja)	POVRŠINA (m ²)	Cijena pranja (KM)	UKUPNO GODIŠNJE (KM)
ul.ZAVNOBIH-a i dio ul.Bosanskih namjesnika (hotel - "Partizan")	260,21	2x mjesečno maj-septembar =5x2=10	5.102,25	0,051	2.602,15
ul.Bogumilska i Šehidska (od vatrogasnog doma do	472,59	2xmjesečno 5 mj.x2=10	9.266,42	0,051	4.725,87

29-ke)kolovoz i trotoari		pranja			
dio ulice Bosanskih namjesnika (od trga do apoteke)	213,18	10 x	4.180,00	0,051	2.131,80
TRG RUDARA (bet.ploče)	45,90	10x	900,00	0,051	459,00
Parking općine	34,73	10 x	681,54	0,051	347,30
ulica Hasana Kafije	14,79	1x mjesečno 5x	290,00	0,051	73,95
ulica Salke Bešlagića (kolovoz)	148,72	5x	2.916,00	0,051	743,60
kocka ul.6.april do mosta saobraćajnice bez trotoara	115,36	2x	2.262,00	0,051	230,72
ul.Filipa Lastrića-do "Elektroterme" - parkinga	38,19	2x	748,80	0,051	76,38
ulica prema kinu	20,25	10x	397,15	0,051	202,50
ulica Bosanskih namjesnika od doma "Partizan" - dom Mahala sa oba trotoara	203,83	2x mjesečno 10 x	3.996,75	0,051	2.038,34
UKUPNO:					13.631,61

NAPOMENA: Pranje javnih površina je planirano 2 puta mjesečno u periodu maj - septembar (a po nalogu

nadzornog organa naručioca posla po potrebi).

NAPOMENA: Način i vrijeme pranja biće utvrđeni mjesečnim planom.

2. ODRŽAVANJE I UREĐIVANJE JAVNIH ZELENIH POVRŠINA

a) Radovi na održavanju, proljetno čišćenje zelenih površina;

b) mašinsko košenje trave sa odvozom u kontejner;

c) obrezivanje sporo rastućih listopadnih živica (1x mjesečno)

d) obrezivanje ukrasnog žbunja;

e) uklanjanje drveća koje može uzrokovati štetu i

f) uređivanje zelenih površina-šehidskih grobalja.

a) Prolječno i jesenje izgrabljivanje travnjaka i sakuplj.otpadaka i lišća sa odvozom na grads.dep.

NAZIV PARKA	Površina (m2)	Broj čišćenja	Jedinična cijena (KM)	Jedna usluga	Ukupno (KM)
Park kod Zanatskog centra	1.822,90	2	0,13	236,98	473,95
Park kod zgrade Općine	1.200,00	2	0,13	156,00	312,00
Park kod Hotela	1.925,91	2	0,13	250,37	500,74
Park prema kinu	3.175,80	2	0,13	412,75	825,50
Na Trgu rudara	280,00	2	0,13	36,40	72,80
Spomen park (više PU)	383,00	2	0,13	49,79	99,58
"Bazilika"	700,00	2	0,13	91,00	182,00
Šehidsko groblje kod obdaništa	2.149,00	2	0,13	279,37	558,74
Šehidsko groblje kod OŠ "Enver Čolaković"	1.641,00	2	0,13	213,33	426,66
UKUPNO:					3.451,97

b) Mašinsko košenje trave, grabljenje sa odvozom trave u kontejner (1x mjesečno)

NAZIV PARKA	Površina (m2)	Broj košenja	Jedinična cijena (KM)	Jedna usluga	Ukupno (KM)
Park kod Zanatskog centra	1.822,90	4x	0,15	273,44	1.093,74
Park ispred Općine	1.200,00	4x	0,15	180,00	720,00
Park ispred Hotela	1.925,91	4x	0,15	288,89	1.155,56
Park prema kinu(50% od površine)	1.500,00	4x	0,15	225,00	900,00
Na Trgu rudara	280,00	4x	0,15	42,00	168,00
Spomen park (kod PU)	383,00	4x	0,15	57,45	229,80
"Bazilika"	700,00	4x	0,15	105,00	420,00
Šehidsko grob. kod obdan.	2.149,00	4x	0,15	322,35	1.289,40
Šehidsko gr.kod OŠ Enver Čolaković	1.641,00	4x	0,15	246,15	984,60
UKUPNO:					6.961,10

NAPOMENA: Mašinsko košenje trave je predviđeno 1x mjesečno u periodu maj-avgust

c) Obrezivanje sporo rastućih listopadnih živica 1x mjesečno
(maj - avgust)

NAZIV ULICE	Dužina x širina=m2	Broj kresanja	Jedinična cijena m2/KM	Jedno obrezivanje	Ukupno (KM)
Ul. Salke Bešlagića	d=587,60/352,50 m2	4	2,36	831,90	3.327,60
Bosanskih namjesnika	d=197,8/98,90 m2	4	2,36	212,16	848,66
Šehidska ulica	d=410,80/246,50 m2	4	2,36	581,74	2.326,96
Ostalo	d=355,20/213,10 m2	4	2,36	502,92	2.011,66
UKUPNO:					8.514,88

d) Obrezivanje ukrasnog grmlja

NAZIV PARKA	Broj komada ukrasnog grmlja	Vrijeme rada	Jedinična cijena kom.	Jedno obrezivanje	Ukupno (KM)
Park kod Zanatskog centra	34	2x	1,20	40,80	81,60
Park ispred općine	29	2x	1,20	34,80	69,60
Park ispod Hotela	16	2x	1,20	19,20	38,40
Ostalo	30	2x	1,20	36,0	72,00
UKUPNO:					261,60

e) Uklanjanje drveća koje može uzrokovati štetu paušalno..... 1.000,00

f) uređivanje zelenih površina-šehidskih grobalja.

R.B.	VRSTA RADOVA	J.M.	CIJENA	KOLIČINA	CIJENA
1	Mašinski, ili ručni iskop zemlje I i II kategorije za pješačke staze u oba parka-groblja, dubine 25 cm i različitih širina od 0.60, 1,20 i 1,75 m, ukupne površine 735,00 m ² , sa utovarom i odvozom u kolica na udaljenost od 50 m.	m3	183.75	10	1837.50
2	Iskopanu zemlju iz prethodne stavke mašinski utovariti i transportovati na deponiju, ili ukoliko bude moguće rasplanirati u unutar mezarja.	m3	220.5	4	882.00
3	Mašinsko, ili ručno kopanje, usitnjavanje, đubrenje tla prirodnim i vještačkim đubrivom, oblikovanje humki, valjanje, zasijavanje specijalne parkovske trave za osunčane dijelove parka, odnosno za dijelove u sjeni-hladu, ponovno valjanje i zalijevanje kompletno zasijanih površina više puta ovisno o prirodnim padavinama.	m2	640	2	1280.00
4	Mašinski, ili ručno prekopavanje ostalih dijelova parka, sječenje šiblja i vađenje korjenja i starog busjenja, đubrenje prirodnim i vještačkim đubrivom, usitnjavanje i ravnanje zemljišta sa valjanjem, zasijavanjem specijalnim parkovskim travama za osunčane dijelove parka, odnosno za dijelove parka u sjeni-hladu i ponovnim valjanjem i zalijevanjem u više navrata ovisno o prirodnim padavinama.	m2	1992	1.5	2988.00
5	Nabavka i razastiranje tampona, šljunka ili pijeska, kao podloge za popločavanje:				
	tampon-kamen prljav d=10 cm	m3	73.5	10	735.00
	frakcija 0-4,4-8,8-16 mm d=10 cm	m3	73.5	20	1470.00
	pijesak, ili frakcija 0-4 mm, d= 5 cm	m3	36.75	30	1102.50
6	Nabavka, transport i ugrađivanje betonskih montažno-demontažnih ploča, sa obostranim ivičnjacima, otpornih na atmosferske promjene, na podlozi od tampona, šljunka i pijeska za pješačke staze u šehidskim grobljima jedan i dva u Brezi.	m2	735	25	18375.00
7	Nabavka transport i zasađivanje jednogodišnjih cvijetnih aleja.	kom	6	100	600.00
8	Nabavka, transport, kopanje rupa, đubrenje, zasađivanje, zalijevanje i zatrpavanje ukrasnih grmova-ruža i slično.	kom	100	10	1000.00
SVEUKUPNI RADOVI:					30270.00

NAPOMENA: Dinamika i vrijeme radova biće utvrđeni od strane nadzornog organa.

Ukupno održavanje i uređivanje javnih površina 50.459,55

3) ČIŠĆENJE SLIVNIKA

Obuhvaćeno čišćenje taložnika, odvoz materijala na deponiju

Ul.ZAVNOBIH-a i dio ul.Bosanskih namjesnika	ručno	40	3	20,00	800,00	2.400,00
Ul. Salke Bešlagića	ručno	16	3	20,00	320,00	960,00
dio Ul.Bosanskih namjesnika (od trga do apoteke)	ručno	10	3	20,00	200,00	600,00
Ul.Bogumilska i Šehidska (od vatrog.doma do 29-ke)	ručno	34	3	20,00	680,00	2.040,00
Ul.6.april	ručno	10	3	20,00	200,00	600,00
U K U P N O :	ručno	110	3	20,00	2.200,00	6.600,00

NAPOMENA: Čišćenje slivnika se obavlja poslije zimskog perioda mart i u jesen oktobar-novembar.

4. ČIŠĆENJE POTOKA PORED POŠTE

2 x godišnje u martu i novembru m1 $100,00 \times 10,00 \times 2 = 2.000,00$

5. RAZNI NEPLANIRANI RADOVI

NAPOMENA: Ovaj rad će se odvijati po potrebi i to uz evidentirano tačno Vrijeme rada radnika i mehanizacije (uz nalog nadzornog organa).

Po procjeni: 1.500,00

UKUPNO: 1.500,00 KM

REKAPITULACIJA KOMUNALNIH USLUGA

1. Ručno čišćenje i pranje javnih površina.....	35.829,79 KM
2. Održavanje i uređivanje javnih zelenih površina.....	50.459,55 KM
3. Čišćenje slivnika.....	6.600,00 KM
4. Čišćenje potoka pored pošte	2.000,00 KM
5. Razni neplanirani radovi (po procjeni).....	1.500,00 KM

SVEGA KOMUNALNE USLUGE: 96.389,34 KM

=====

5. JAVNA RASVJETA - na Općini Breza
a) Utrošak električne energije

NAZIV NASELJA	broj svjetiljki	Vrsta svjetiljki	Snaga (kW)	Mjesečna potrošnja (kWh)	Cijena kWh) (KM)	Ukupno mjeseč. (KM)	Ukupno godišnje (KM)12 mjeseci
SUTJEŠKO POLJE (BREZA I)	58	25x125W 22x400W 10x250W	14.425	4.407,64	0,18	793,38	9.520,50
SALKE BEŠLAGIĆA	32	30x125W 2x800W	5.350	1.634,72	0,18	294,25	3.531,00
SMAILBEGOVIĆI	18	125W	2.250	687,50	0,18	123,75	1.485,00
ZALOŽJE	17	125W	2.125	649,31	0,18	116,88	1.402,50
LAMELA	12	125W	1.500	458,33	0,18	82,50	990,00
ŽUPČA IV	23	125W	2.875	878,47	0,18	158,13	1.897,50
ŽUPČA II	35	125W	4.375	1.336,81	0,18	240,63	2.887,50
G.BREZA I	16	125W	2.000	611,11	0,18	110,00	1.320,00
PODŽUPČA	24	125W	3.000	916,67	0,18	165,00	1.980,00
VRBOVIK	35	125W	4.375	1.336,81	0,18	240,63	2.887,50
G.BREZA I	16	125W	2.000	611,11	0,18	110,00	1.320,00
BANJEVAC II	12	125W	1.500	458,33	0,18	82,50	990,00
6. APRIL	34	14x125 14x400 6x250	8.850	2.704,17	0,18	486,75	5.841,00
POŠTA-BOSANSKA	30	125W	3.750	1.145,83	0,18	206,25	2.475,00
IZBOD	8	125W	1.000	305,56	0,18	55,00	660,00
VIJESOLIĆI	5	125W	0.625	190,97	0,18	34,38	412,50
5.MAJ	72	250W	18.000	5.500,00	0,18	990,00	11.880,00
KAHVE	6	125W	0.750	299,17	0,18	53,85	646,20
PODGORA	7	125W	0.875	267,36	0,18	48,13	577,50
TRTORIĆI	6	125W	0.750	229,17	0,18	41,25	495,00
ORAHOVO	4	125W	0.500	152,78	0,18	27,50	330,00
SLIVNO	6	125W	0.750	229,17	0,18	41,25	495,00
M.RIJEKA	4	125W	0.500	152,78	0,18	27,50	330,00
DOLOVČIĆI	1	125W	0.125	38,19	0,18	6,88	82,50
BUKOVIK	15	125W	1.875	572,92	0,18	103,13	1.237,50
VARDIŠTE	5	125W	0.625	190,97	0,18	34,38	412,50
ZANATSKI CENTAR	7	125W	0.875	267,36	0,18	48,13	577,50
MAHALA	22	125W	2.750	840,28	0,18	151,25	1.815,00
DOM ZDRAVLJA	7X125	125W	0.875	267,36	0,18	48,13	577,50
UKUPNO: 59.056,20							

b) Održavanje rasvjete
- Za tekuće održavanje rasvjete (po procjeni)

15.000,00 KM

UKUPNO: 74.056,20 KM

REKAPITULACIJA

A) KOMUNALNE USLUGE.....	96.389,34 KM
B) JAVNA RASVJETA.....	59.056,20 KM
C) ODRŽAVANJE JAVNE RASVJETE.....	15.000,00 KM

S v e g a: 170.445,54 KM
=====

6) FINANSIRANJE

1. Iz komunalne naknade 170.445,54 KM

7) PROGRAM ZIMSKOG
ODRŽAVANJA

Radovi zimskog održavanja se planiraju za period od 15.11.2005. godine do 15.03.2006. godine, po posebnom programu.

Obzirom na varljive zime, Služba za prostorno uređenje, zaštitu okolice, geodetske i imovinsko-pravne poslove, neće raspisivati konkurs za odabir najpovoljnijeg izvođača za realizaciju Programa zimske službe, nego će se u slučaju potrebe angažovati izvođač koji zadovoljava uslove opreme, a po cijenama koje je odredilo Kantonalno ministarstvo prometa i komunikacija ZE-DO kantona.

PREDSJEDAVAJUĆI
Općinskog vijeća
Pandža Vinko s.r.



PREDSJEDAVAJUĆI
Općinskog vijeća
Vinko Pandža,s.r.



S A D R Ź A J

- 15. Program rada Općinskog vijeća Općine Breza za 2005. godinu.
- 21. Odluka o uspostavljanju Centra za usluge građanima u Općini Breza.
- 22. Odluka o osnivanju općinskih službi za upravu.
- 28. Odluka o utvrđivanju prosječne građevinske cijene 1 m² korisne stambene površine na području Općine Breza.
- 29. Odluka o određivanju procenta za utvrđivanje naknade za 1 m² građevinskog zemljišta u državnoj svojini koje se preuzima od ranijeg vlasnika za 2005. godinu.
- 30. Odluka o visini naknade za nepriznata uzurpirana zemljišta u 2005. godini.
- 30. Odluka o dopuni Odluke o utvrđivanju visine naknade vijećnicima Općinskog vijeća.
- 31. Program obavljanja komunalnih usluga zajedničke komunalne potrošnje u vremenu od 15.03.2005. do 15.11.2005. godine.
- 41. Zaključak kojim se ovlašćuje Općinski načelnik da potpiše ugovor o davanju na privremeno kroištenje objekta škole u Prihvatnom centru Smrekovica Mjesnoj zajednici Sutješćica.

